

ԳԼՈՒԽ ԼԵ.

1 Յաղագս թե ո՛րպէս ի բանս չարախորհուրդս եւ անմիտ մարդկան ելեալ թագաւորն Յայոց Վարագդատ, զգաւրավարն Յայոց Մուշեղ սպանաներ:

2 Այլ իբրեւ տեսանէին զթագաւորն Յայոց Վարագդատ մեծ նախարարքն Յայոց՝ թե մանուկ բանսերթուկ է, զչար ի բարոյ որոշել չգիտէ, սկսան այնուհետեւ ըստ կամաց իւրեանց վարել զթագաւորն. որպէս եւ կամէին, բանիւք իւրեանց տանէին եւ բերէին զնա: 3 Նա առաւել ունկն դնէր մանկտոյն՝ որ ի տիոց հասակակիցք էին նորա, առաւել քան զծերոցն իմաստնոց՝ որք կարող էին զաւգտակար խրատն մատուցանել նմա:

4 Այլ Բատ, որ նահապետն էր ազգին Սահռունեաց տոհմին, դայեակ սնուցիչ թագաւորին Վարագդատայ, կամեցաւ նա զգործ զաւրավարութեան սպարապետութեանն Մուշեղայ յինքն յափշտակել ի նմանէ: 5 Վասն այսորիկ սկսաւ քսիս մատուցանել զնմանէն առ թագաւորին Վարագդատայ առ իւրում սանուն, եւ ասել՝ թե ի սկզբան ի նախնեացն հետէ զծեր Արշակունեաց տոհմին Մամիկոնէից է կորուսեալ, զի հակառակորդք ձեր դոքա լեալ են ի բնէ անտի. եւ համակ զերկիրս Յայոց դոցա է կերեալ, մանաւանդ Մուշեղի. մանաւանդ զի այր չար է եւ նենգաւոր: 6 Չի սիրելի է ի թշնամեաց ձերոց, եւ ատելի սիրելեաց ձերոց. եւ համակ ընդ ձեզ նենգաւ է զնացեալ, երկմտութեամբ եւ դժխեմութեամբ: 7 Չի ո՛չ այն Մուշեղ է, որ ի թագաւորութեան ժամանակ Պապայ ի պատերազմունսն Պարսից քանիցս անգամ ձեռնահաս եղև սպանանել զՇապուհ արքայն Պարսից, եւ ոչ եսպան, այլ արծակեաց զթշնամին. եւ երբեմն զկանայս Շապիոյ թագաւորին ի բուռն էարկ, եւ ինամտ գրծով ժանուարաւք արծակեաց զնոսա զհետ Շապիոյ: 8 Ո՛չ այդ այն Մուշեղն է, որ զՈւռնայր արքայ Աղուանից ի բուռն էարկ, եւ սպանանել ոչ կամեցաւ, այլ արծակեաց զթշնամին: 9 Ո՛չ այդ այն Մուշեղն է, զի զարքայն Պապ հրամանաւ դորա եւ դորին խորհրդովդ զաւրավարքն Յունաց սպանին. զի դա ռիսցոյց եւ գրգռեաց զարքայն Յունաց ի վերայ թագաւորին Պապայ, մինչեւ ետ սպանանել: 10 Այլ արժան է մեռանել ի ձեռաց քոց, եւ չէ պարտ կեալ դմա. այլ թե ոչ անապարեսցես, արքայ, այժմ զհայ երկիրս խորհի լնուլ քաղաքաւք, եւ զաւրանիստ առնէ բնակութեան զաւրացն Յունաց: 11 Եւ այնուհետեւ կամ թագաւորն Յունաց հանէ ի քէն զթագաւորութիւնս Յայոց, կամ այս Մուշեղ սպանանէ, եւ ինքն թագաւորէ: 12 Եւ այսպիսի բանիւք գաղտնի հանապազ զթագաւորն գրգռէին, մինչեւ հաւանեցաւ ըստ կամաց նոցա զսպարապետն զգաւրավարն Յայոց սպանանել:

13 Ապա խորհուրդ արարին, թե ո՛րպէս ըմբռնել կարացցեն զնա. քանզի մեծապէս երկնչէին ի նմանէն: 14 Թե՛ զգայ, ասեն, մեծ պատերազմ առնէ. եւ ոչ ոք կարէ զրէմ քաջութեան նորա ունել, բայց հնարիւք մեքենաւորու-